

Broj: 120/22  
Sarajevo, 28.01.2022. godine

Na osnovu člana 10. stav (1) tačka d) i člana 18. stav (2) Zakona o javnim nabavkama („Službeni glasnik BiH“, broj 39/14), Povjerenstvo Turističke zajednice Kantona Sarajevo, donosi

### O D L U K U

#### o izuzeću od primjene Zakona o javnim nabavkama

#### Član 1.

(Predmet odluke)

(1) Odobrava se pokretanje postupka nabavke usluga koje se izuzimaju od primjene Zakona o javnim nabavkama, *Izrada sajamskih postavki za predstavljanje turističke ponude Kantona Sarajevo na međunarodnim sajmovima u zemlji i inostranstvu*, za potrebe Turističke zajednice Kantona Sarajevo za 2022. godinu.

#### Član 2.

(Vrijednost nabavke)

(1) Za realizaciju nabavke iz člana 1. ove Odluke odobravaju se sredstva u iznosu od 136.752,00 KM bez PDV-a, u skladu sa planiranim uslugama i izvjesnim sredstvima.  
(2) Sredstva iz stava (1) ovog člana iznose procijenjenu vrijednost ugovora o javnoj nabavci u ukupnom iznosu koji će se platiti, bez poreza na dodatnu vrijednost (PDV).

#### Član 3.

(Izvor finansiranja)

Usluge koje su predmet ovog postupka javne nabavke će se finansirati iz vlastitih sredstava, a terete poziciju 1. Rashoda Finansijskog plana Turističke zajednice Kantona Sarajevo za 2022. godinu *Troškovi učešća na međunarodnim sajmovima u zemlji i inostranstvu, stavka 1.1. Troškovi sajmovi*.

#### Član 4.

(Stupanje na snagu)

Ova Odluka stupa na snagu danom donošenja.

### O b r a z l o ž e n j e

Turistička zajednica Kantona Sarajevo u cilju provođenja i realiziranja svojih programskih aktivnosti koje se temelje na Zakonu o turizmu, prisustvuje međunarodnim sajmovima turizma koji predstavljaju bitan instrument za prezentiranje turističke ponude Kantona Sarajevo.

Turistička zajednica Kantona Sarajevo je kao Ugovorni organ tokom 2018. godine pokrenula otvoreni postupak javne nabavke izbora najpovoljnijeg ponuđača za vršenje usluga izrade sajamskih postavki i s obzirom da do krajnjeg roka za dostavu ponuda nije stigla nijedna ponuda, postupak je poništen u skladu sa članom 69. stav (2) tačka a) Zakona o javnim nabavkama.



Pretpostavka Turističke zajednice Kantona Sarajevo kao Ugovornog organa zašto nije bilo zainteresiranih ponuđača za predmetnu nabavku su eventualne prepreke koje mogu imati domaći ponuđači u slučaju da vrše usluge u inostranstvu, a koje su bliže pojašnjene u Odluci Konkurencijskog vijeća BiH o utvrđivanju relevantnog tržišta u kojoj se navodi postojanje prepreka pristupa relevantnom tržištu (proizvoda i geografskom tržištu) koje obuhvataju sva ograničenja koja potencijalnim učesnicima (privrednim subjektima) ograničavaju i sprečavaju slobodan pristup na tržište, naročito pravne i ekonomske prepreke.

Turistička zajednica Kantona Sarajevo kao Ugovorni organ smatra da ponovno objavljivanje postupka, s obzirom na naprijed navedeno, kao i na nedostatak u pogledu motiviranosti potencijalnih ponuđača za učešće, ne bi postiglo svrhu.

Nakon analize svih kriterija utvrđeno je da su ispunjeni uslovi iz člana 10. stav (1) tačka d) Zakona o javnim nabavkama kojim su propisana izuzeća od primjeni odredbi ovog Zakona, za ugovore o javnoj nabavci prirodnih i zakonskih monopola, a koji mogu uključiti nabavku vode, električne energije, plina, toplotne energije i drugih usluga, do otvaranja relevantnog tržišta za konkurenciju.

Na osnovu navedenog odlučeno je kao u dispozitivu ove Odluke.

Predsjedavajući Povjerenstva  
Turističke zajednice Kantona Sarajevo



Dostavljeno:

1. Komisija za javne nabavke
2. Služba za finansije
3. a/a